

Pas publikimit në media të ëshmisë së një kosovari në gjykatë, i cili ka qenë pjesë e të ashtuquajturit Shtet Islamik i Sirisë dhe Irakut (ISIS), kanë ardhur reagimet e të apostrofuarit në këtë dëshmi.

Hoxha i Mitrovicës, Fatmir Latifi, emri e të cilit lakohet në këtë dëshmi, ku thuhet se dëshmitari i ka përcjellur ligjeratat e këtij hoxhe para se të niset në drejtim të Sirisë, ka reaguar në rrjetin social Facebook, duke e quajtur tendencioze dhe të pasaktë këtë dëshmi, ku për më tepër për ta bërë më të mjegullt dëshminë, sipas tij, nuk njihet as identiteti i këtij personi.

Ai ka thënë se vazhdimisht është anagazhuar në t'mirën e vendit: është veteran i UÇK-së, ka ndihmuar në luftimin e dukurive negative, pajtimin në mes familjeve të hasmuara, sqarimet e vazhdueshme që i ka bërë për rrezikun e ekstremizmit fetar, përfshirë edhe pjesëmarrjen në luftëra të huaja, etj.

Latifi ka thënë se i mbetet organeve të drejtësisë të merren me këto deklarata, duke mos lejuar që të njëlloset puna dhe angazhimi i dikujt me pa të drejtë.

Më poshtë mund ta lexoni reagimin e plotë të hoxhës, Fatmir Latifi: